

Ugovorne strane:

**Ministarstvo unutrašnjih poslova Kantona Sarajevo**, ulica La Benevolencije broj 16, koje zastupa ministar, Admir Katica (u daljem tekstu: Ugovorni organ) i

**Autoelektra d.o.o. Sarajevo**, Patriotske lige 10, kojeg zastupa direktor Dalila Sarajlić (u daljem tekstu: Dobavljač)

zaključile su:

## **UGOVOR**

### **nabavka rezervnih autodijelova za motorna vozila marke Sang Yong Ministarstva unutrašnjih poslova Kantona Sarajevo - LOT 3**

#### **PREDMET UGOVORA**

##### **Član 1.**

Predmet ovog Ugovora je nabavka rezervnih autodijelova za motorna vozila marke Sang Yong Ministarstva unutrašnjih poslova Kantona Sarajevo.

Nabavka je izvršena putem konkurentskog zahtjeva za dostavu ponuda, a na osnovu Odluke broj: 04-1-11- 4-7278/25 od 10.11.2025. godine i Obavještenja o nabavci broj: 1364-7-1-86-3-82/25 od 10.11.2025. godine.

Ugovor se zaključuje u skladu sa odredbama Okvirnog sporazuma broj: 04-11-4-7278-8/25 od 05.02.2026. godine ponudi Dobavljača broj: 1020-01-XI/25 od 20.11.2025. godine (LOT 3) i Izvještaju o toku i završetku e-aukcije od 26.11.2025. godine.

#### **CIJENA**

##### **Član 2.**

Ukupna vrijednost ugovora iznosi 1.804,99 KM bez PDV-a  
(hiljaduosamstotinačetiri i 99/100 KM)

Cijene su fiksne i ne mogu se mijenjati za vrijeme važenja ovog Ugovora.

#### **ROK ISPORUKE**

##### **Član 3.**

Dobavljač se obavezuje da će isporuku izvršiti u roku od 7 (sedam) dana od obostranog potpisa ugovora, a u skladu sa Predračunom koji je Dobavljač dužan odmah dostaviti na zahtjev Ugovornog organa (po uslovima iz tendera odnosno prihvaćene ponude).

U slučaju kašnjenja u isporuci, do kojeg je došlo krivicom odabranog ponuđača, isti će platiti ugovorenu kaznu u skladu sa Zakonom o obligacionim odnosima u iznosu od 1‰ (promil) naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti nabavke koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

#### **NAČIN PLAĆANJA**

##### **Član 4.**

Ugovorni organ će Dobavljaču izvršiti plaćanje ugovorene vrijednosti iz člana 2. ovog ugovora, na slijedeći način: 30 dana od dana nastanka obaveze i po dostavljanju računa za isporučenu robu.

Dobavljač je dužan dostaviti Garanciju za uredno izvršenje posla u roku od 10 dana od dana zaključivanja/obostranog potpisivanja ugovora u obliku безусловne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

#### Član 5.

Dobavljač se obavezuje da će isporuku izvršiti u skladu sa zahtjevima ugovornog organa i da će odmah postupiti po eventualnim primjedbama ugovornog organa, u pogledu eventualnih nedostataka na ime kvaliteta isporučene robe.

Ugovorni organ će pismeno obavjestiti dobavljača o svim primjedbama i utvrditi razuman rok za ispravku propusta vezano za isporuku robe.

### GARANTNI ROK ZA ISPORUČENU ROBU

#### Član 6.

Dobavljač daje garanciju za isporučenu robu 12 mjeseci računajući od dana isporuke robe.

### OSTALE ODREDBE

#### Član 7.

Ugovorne strane su se sporazumjele da će sve eventualne nejasnoće i sporove nastale u toku realizacije ugovora rješavati sporazumno.

U slučaju nemogućnosti sporazumnog rješavanja eventualnih sporova konačno rješenje će donositi nadležni sud u BiH.

#### Član 8.

Dobavljač nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### Član 9.


Na ostala prava i obaveze ugovornih strana, koja nisu regulisana ovim Ugovorom primjenjivaće se odredbe Zakona o obligacionim odnosima.

#### Član 10.

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorene vrijednosti ili isteka okvirnog sporazuma.

#### Član 11.

Ovaj Ugovor sačinjen je u 4 (četiri) istovjetna primjerka, od kojih po 2 (dva) primjerka zadržava svaka od ugovornih strana.



Broj:

Datum:

139/26

3.3.26



Broj: 04-1-H-4-7278-8.1/25

Datum: 24.02.2026. godine